

28.08.2020թ.

ք. Երևան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ՈՐՈՇՈՒՄ թիվ 422797/20

ՎԱՐՉԱԿԱՆ ԻՐԱՎԱԽԱՆՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Արման Մնացականյանս, քննելով վարչական իրավախախտման վերաբերյալ թիվ 16495-1 գործը,

ՊԱՐԶԵՑԻ

«ԱՎԵՐՍ» ՓԲԸ-ի տնօրեն Կարո Շահբազյանը (ՀՎՀՀ՝ 00048123, հասցե՝ ք. Երևան, Նորք Մարաշ, Բայրոնի փող. 3, 26) համաձայն «Հաշվապահական հաշվառման մասին» ՀՀ օրենքով սահմանված կազով և ժամկետում չի հրապարակել 2019թ-ի տարեկան ֆինանսական հաշվետվությունը, ինչի համար նախատեսվում է պատասխանատվություն վարչական իրավախախտումների վերաբերյալ ՀՀ օրենսգրքի 169¹² հոդվածով:

Կողմին հայտնաբերելու նպատակով ձեռնարկվել են համապատասխան միջոցառումներ:

Ակտի հասցեատերը ներկայացրել է դիմում առ այն, որ «ԱՎԵՐՍ» ՓԲԸ-ն տարեկան հաշվետվությունները հրապարակել է Նովոյե Վրեմյա թերթի 28.06.2020թ. թողարկման մեջ: Հետագայում պարզվել է, որ Նովոյե Վրեմյա խմբագրությունը իր պաշտոնական ինտերնետային կայքում չի տեղադրել նյութը՝ պատճառաբանելով, որ հատուկ թողարկումները չի հրապարակվում կայքում: Տեղեկատվությունը ուշ ստանալու պատճառով կազմակերպությունը հնարավորություն չի ունեցել սեղմ ժամկետներում այն հրապարակել այլ կայքերում և հղումը պահանջված ժամկետներում չի տեղադրվել www.azdarar.am կայքում:

ՀՀ ՊԵԿ իրավաբանական վարչության կողմից հարուցված վարչական վարույթի շրջանակներում լրիվ, օբյեկտիվ և բազմակողմանի քննություն ապահովելու նպատակով իրականացվել են համապատասխան ուսումնասիրություններ, որի արդյունքում պարզ է դարձել հետևյալը.

«Հաշվապահական հաշվառման մասին» 2019 թվականի դեկտեմբերի 4-ի ՀՕ-282-Ն օրենքի (այսուհետ՝ Օրենք) 24-րդ հոդվածի 2-րդ մասի համաձայն հաշվետու տարվա համար պարտադիր կազմվում են տարեկան ֆինանսական հաշվետվություններ:

Օրենքի 27-րդ հոդվածի համաձայն՝ բոլոր կազմակերպությունները և խմբերը, բացի փոքր կազմակերպություններից և խմբերից ու միկրոկազմակերպություններից, պարտավոր են տարեկան ֆինանսական հաշվետվությունները հրապարակել մինչև հաշվետու տարվան հաջորդող տարվա հունիսի 30-ը:

Օրենքի 30-րդ հոդվածի 2-րդ մասի համաձայն՝ Օրենքն ուժի մեջ մտնելու պահից (01.01.2020թ) ուժը կորցրած է ճանաչվել «Հաշվապահական հաշվառման մասին» 2002 թվականի դեկտեմբերի 26-ի ՀՕ-515-Ն օրենքը, որով սահմանվում էր 2019 թվականի համար կազմակերպությունների կողմից ֆինանսական հաշվետվությունների հրապարակման կարգը և ժամկետները, որի առնչությամբ հարաբերությունները առաջանում են 01.01.2020 թվականից հետո:

Միաժամանակ Օրենքի եզրափակիչ դրույթներում 2019 թվականի համար ֆինանսական հաշվետվությունների ներկայացման կարգի և ժամկետների վերաբերյալ իրավակարգավորումներ նախատեսված չեն, հետևաբար 2019 թվականի համար ֆինանսական հաշվետվությունները հրապարակելու պահանջ սահմանված չէ:

Ելնելով վերոգրյալից և նկատի ունենալով, որ սույն գործով բացակայում է իրավախախտման դեպքը, ուստի ղեկավարվելով Վարչական իրավախախտումների վերաբերյալ ՀՀ օրենսգրքի 244², 281 հոդվածներով, 247-րդ հոդվածի 1-ին մասով և 282-րդ հոդվածի 2-րդ կետով՝

ՈՐՈՇԵՑԻ

Կարո Շահբազյանի նկատմամբ իրականացվող վարչական վարույթը կարճել:

ՀՀ ՊԵԿ ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

[Handwritten signature]



ԱՐՄԵՆԱԿԱՆՅԱՆ